

梁山縣志卷之七

加知州銜知梁山縣事

永培纂輯

壇祠

周官宗伯禋祈宜報厥典綦繁也我

皇上德馨昭著咸秩明禋以通幽明之故凡所以教民

昭誠敬廣仁孝者至備固宜星辰就位神祇來格矣

會典所載敬謹遵行 武廟之祀比於 文廟 文昌

之祀埒於 武廟誠為盛典即

國家祀事所不及而比閭族黨間香火之情所從來久

梁山縣志

卷七

壇祠

尸而祝之禱或有應從宜從俗如其舊可爾

社稷壇 縣西豐勝門外明知縣吳珏建 按有民

人而後有社稷社主土勾龍氏配稷主穀后稷氏

配蓋祀五土五穀之神也山川林澤邛陵墳衍原

隰為五土黍稷稻菽麥為五穀稷非土無以生土

非稷無以見生之之效周禮大司徒設其社稷之

壇而樹之田主各以其野之所宜木遂以名其社

與野大宗伯以血祭祭社稷凡祭社壇用大鬯社

之日涖卜來歲之稼此立祀所由始也社稷之祀



通于上下唐開元中定郡縣祭儀不一惟祝文可

採祭社文曰惟神德兼博厚道著直方載生品物

采盛庶品備茲明薦用伸報本以禮恭以制幣犧齊

神作主尙饗祝勾龍氏神文曰爰茲仲龍氏配

戊敬修常祀薦于社神惟神功著水土平易九州

昭配之義實隆祀典謹以牲齊采盛庶品式陳明

薦作主佑神尙饗祭稷文曰惟神播生百穀首茲

八政用而不匱功濟氓黎恭以制幣犧齊采盛庶

品祇奉舊章備茲禮禮以後稷棄配神作主尙饗

祝后稷神文曰爰以仲穡恭修常禮薦于稷神惟

神功叶稼穡闡修農政允茲從祀用率舊章謹

以犧齊采盛庶品式陳明薦作主配神尙饗

皇清定制社以石主而稷仍用木雍正七年三月初七

日欽奉

梁山縣志

卷七

壇祠

諭旨直隸各府州縣設立壇墀致祭社稷及風雲雷雨

山川城隍之神每歲春秋展祀以崇報享典至重也從

前初建之時有式或視為具文規制未必周備及歷年

既久漸有傾圮之處又未必及時修葺是以僻遠之郡

縣規模簡略禮儀草率者往往有之甚非肅將禮祀之

本意也著禮部查照定例行文各該督撫轉飭府州縣

敬謹如式修理以重祀典仍令造冊報部每遇該官員

陞遷事故照例造入交盤冊內查明接受庶有司自顧

考成經理益加虔恪矣特諭欽此經禮部通行欽遵修

理如式雍正十年奉

旨頒行 南壇祀典

築城之南郊座向北方

地廣袤二畝有奇壇方二丈五尺高二尺四寸出
陛各三級壇前九丈五尺東西南各五尺周繞以
牆

石主長二尺五寸方一尺埋於壇上正中近南二
尺五寸露圓尖於外

神牌以木為之高二尺二寸濶四寸五分座高四

梁山縣志

卷七

壇祠

三

寸五分濶八寸五分朱漆青字祭畢藏之牌一書

縣社之神居東一書

縣稷之神居西

每歲仲春上戊日致祭

陳設

爵三 筐二帛黃色各長一丈八尺 俎二羊豕

簋二黍稷 簋二稻粱 鉶二和羹 邊四形

鹽藁魚棗栗 豆四韭菹醢醢菁菹鹿醢 香燭

儀注與 文廟同無啟戶闔戶升堂為升壇

祝文

年月日某官致祭于

社之神曰維

神奠安九土粒食萬邦分五色以表封圻育三農而

蕃稼穡恭承守土肅展明禋時屆仲春敬修祀典

庶九九松柏鞏磐石于無疆翼翼黍苗佐倉箱於

不匱尙饗

風雲雷雨山川壇 縣東一里 按周禮有風師雨

師漢以丙戌日祀風師于戌地以巳丑日祀雨師

於丑地唐元宗祀雨師雷師同壇宋人祀風師于

梁山縣志

卷七

壇祠

四

西郊祠以立春後丑日祀雨師于北郊祠以立春

後申日以雷從雨師之位以山川社稷合祭元以

風雲雷雨附于社稷明洪武初定制立山川壇于

城西北風雲雷雨壇于城西南用驚蟄秋分日告

祀雨暘時若雷霆收聲六年癸丑合山川風雲雷

雨于一壇祭之十四年又以本縣城隍合祭於壇

陸清獻曰城隍既壇事之矣而又有廟春秋二祭

則于壇朔望行香則于廟亦于彼于此之意歟

大清會典各省府州縣風雲雷雨山川城隍之神共一

壇設三神位風雲雷雨居中山川居左城隍居右

每歲春秋仲月用上戊日致祭祭用制帛七風雲雷雨

帛四山川帛二城隍帛一俱白色祭品羊一豕一劔一邊四豆

四簠簋各二邊豆等俱用磁器陳設行禮

雍正十一年奉

旨頒行 北壇祀典

築城之北郊座向南方

地壇與 社稷同無石主

神牌制與 社稷同一書

梁山縣志

卷七 壇祠

五

風雲雷雨之神居中一書

本縣境內山川之神居左一書

本縣城隍之神居右

每歲仲春仲秋上戊致祭

陳設與 社稷同筐七帛白色

儀注與 社稷同無瘞毛血

祝文

年月日某官致祭於 風雲雷雨 山川城隍之

神日維

神贊襄天澤福佑蒼黎佐靈化以流形生成永賴乘
氣機而鼓盪溫肅攸宜磅礴高深永保安貞之吉
憑依鞏固實資捍禦之功幸民俗之殷盈仰神明
之庇護恭修歲祀正值良辰敬潔豆籩祗陳牲幣
尚饗

先農壇 縣東樂善門外雍正五年署知縣朱岳楷
修建 按易曰神農氏作斲木爲耜揉木爲耒是
教稼之功神農先于后稷重農事固宜祭先嗇也
雍正四年八月初九日欽奉

梁山縣志

卷七

壇祠

六

諭旨國以民爲本民以食爲天朕每歲躬耕藉田並非
崇尚虛文以爲觀美實是敬天勤民之至意禮曰天子
爲藉千畝諸侯百畝據此則耕藉之禮亦可通於臣下
矣朕意欲令地方守土之官俱行耕藉之禮使之知稼
穡之艱難悉農民之作苦量天時之晴雨察地力之肥
瘠如此則凡爲官者皆時存重農課稼之心則凡爲農
者亦斷無苟且怠惰之習似與養民務本之道大有裨
益著九卿詳議具奏特諭欽此九卿遵
旨議覆通行直省府州縣雍正九年奉

旨各州縣舉報農官恩給頂以司農祠宣講

聖諭 奉

旨頒行 先農壇祀典

籍田四畝九分壇高四尺一寸寬二丈五尺壇後
建正房三間配房各一間正房中間供奉

神牌東間存貯祭器農具西間收貯籍田米穀配房
東間置辨祭品西間令看守農民居在壇廟籍田
之外周圍築土為牆開門南向

神牌與 社稷同紅牌金字填寫

梁山縣志

卷七

壇祠

七

先農之神

農具赤色牛黑色耔種箱青色所用耔種悉照各
處土宜

每年仲春月候 部頒吉期舉行

陳設儀注與 社稷同

各官穿朝服行禮換蟒袍補服耕藉

正印官秉耒佐貳執青箱播種用耆老一人牽牛
各官俱用右手扶犁左手執鞭各行九推禮農夫
終畝耕畢各官率耆老農夫望

闕行三跪九叩禮仍將遵行耕藉日期具報

祝文

年月日某官某致祭于 先農之神曰維

神肇興稼穡粒我烝民頌思文之德克配彼天念率
育之功陳常時夏茲當東作咸服先疇洪惟九五
之尊歲舉三推之典恭膺守土敢忘勞民謹奉羹
章聿修祀事惟願五風十雨嘉祥常沐于

神庥庶幾九穗雙歧上瑞頻書乎大有尙饗

八蜡 按郊特牲云天子大蜡八一先嗇二司嗇三

梁山縣志

卷七

壇祠

八

農神四郵表綴五貓虎六防七水庸八昆蟲先嗇
者神農也司嗇者后稷也農者田畷也郵表綴者
綴井田間道也謂畫疆分理若郵亭之爲表于綴
祀其始事之人也貓食田鼠虎食田豕迎其神而
祭之也防者謂昔爲隄防之人使吾禦水患也水
庸者謂昔爲畝澮溝洫之人使吾備旱潦也昆蟲
者謂蝗蝻螟螽蠹蝻之屬有所司之人能驅除之
也又伊耆氏始爲蜡蜡者索也歲十二月合聚萬
物而祭之也夏后氏更名曰嘉平殷曰清祀周復

曰大蜡秦曰臘是也祭以歲十二月初八日
大清會典郡縣均設歲時致祭雍正十一年

詔有司歲十二月上戊日致祭先嗇司嗇居正位東上

餘六神稍後一尺分左右儀物如祭先農制卽先

農壇祀之乾隆十二年 部議歸并先農壇配食

不必特祭今祭先農壇日遵照設立牌位

雩祭 乾隆七年奉

旨頒行雩祭禮

每歲孟夏行常雩禮不另立雩壇卽于先農壇行

梁山縣志

卷七

壇祠

九

禮並合配社稷山川諸神牌位

祝文 乾隆九年頒

年月日某官致祭于 社稷 先農 山川之神

曰恭膺

詔命撫育羣黎仰體

彤廷保赤之誠勤農勸稼俯維部屋資生之本力穡服

田令甲爰頒聿舉祈年之典惟寅將事用申守土

之忱黍稷惟馨尙冀昭明之受賜來牟率育庶俾

豐裕于蓋藏尙饗

崇祭 乾隆七年奉

旨頒行崇祭禮

旱歲祭雩祈雨潦則崇祭城門祈晴

祝文

年月日某官致祭于 城門之神曰

詔命臨民職司守土惟兆人之攸賴並藉

神功冀四序之常調羣蒙福蔭必使雨暘應候爰
占物阜而民安庶其寒燠咸宜共慶時和而歲稔
仰靈樞之默運聿集嘉祥襄元化以流行俾無災

梁山縣志

卷七

壇祠

害尙饗

按雩祭有常雩有因旱而雩左傳龍見而雩註角
亢見時周之六月也陽氣盛故雩杜預曰雩之爲
言遠也遠爲百穀祈膏雨鄭康成曰雩者吁也吁
嗟而請雨周禮司巫若國大旱帥巫而舞雩稻人
旱暵供其雩斂是也崇祭周禮黨正春秋祭崇謂
祭日月星辰水旱春秋昭公三年冬大雨雹左氏
傳謂山川之神則水旱癘疫之灾日月星辰之神
則雪霜風雨之不時于是乎崇之是也又莊公二

十五年秋大水鼓用牲于社于門馬端臨文獻通考久雨崇祭國門州縣崇祭城門設神座皆內向此崇祭城門本于左氏與周禮崇祭頗似不同祭法國門國行皆有祭初不因水潦而設乾隆七年禮部議覆御史徐以升條陳祈雨事宜一摺奏准勅下各省督撫轉飭各府州縣孟夏擇日行常雩禮或有亢旱每七日先祭界內山川次祭社稷致齋虔禱雨澤不得用大雩禮亦不必另設雩壇卽于社稷藉田等處恪恭將事或霪潦爲災則伐鼓用牲

梁山縣志

卷七 壇祠

十一

崇祭城門以祈晴霽仍雨不止則伐鼓用牲祭于社毋庸于各壇祈禱若僧道建壇諷經乃宋時相沿于寺觀祈雨建置道場實非經義古制應停止

邑厲壇 縣北永安門外 按邑有厲壇蓋倣古秦

厲公厲之祭也滯魄孤魂可以得食鄭子僑所謂鬼有所歸乃不爲厲者亦卽古王澤及枯骨推廣仁孝之心乎明洪武八年令直省府州縣各設無祀鬼神壇二十九年以濟福所議定式頒行天下每歲春清明秋七月望日冬十月朔日

國朝奉

旨頒行厲壇祀典

每歲春清明日秋七月望冬十月朔致祭

先期一日主祭官齋戒補服備香燭酒果詣城隍

廟就位一跪三叩詣神位獻爵讀告文復位一跪

三叩禮畢

陳設

城隍牌位設於壇上祭物用一羊一豕饌與社稷

同無帛

梁山縣志

卷七 壇祠

三

無祀鬼神牌位設于壇下左右相向祭物用一羊

一豕解作殽置于磁盤酒三湯三飲五肉五

儀注

承祭官就位一跪三叩詣城隍位前跪獻三爵

興復位一跪三叩禮畢

告城隍文

某縣遵承禮部劄付為祭祀本縣無祀鬼神該

欽奉

皇帝聖旨普天之下后土之上無不有人無不有鬼神

人鬼之道幽明雖殊其理則一今

國家治民事神已有定制尙念冥冥之中無祀鬼神
昔爲生民未知何故而沒其間有遭兵刃而死者
有死于水火賊盜者有被人取財而逼死者有被
人強奪妻妾而死者有遭刑禍而負屈死者有天
災流行而瘟疫死者有爲猛獸毒蛇所害者有爲
饑餓凍死者有因戰鬪而殞身者有因危急而自
縊者有因牆屋傾墮而壓死者有死後無子孫者
此等鬼魂或終于前代或沒于近世或兵戈擾攘

梁山縣志

卷七

壇祠

三

流移于他鄉或人煙斷絕久缺其祭祀姓氏泯沒
於一時祀典無闕而不載此等孤魂死無所依精
魄未散結爲陰靈或倚艸附木或作爲妖怪悲號
於星月之下呻吟于風雨之時凡遇人間節令心
思陽世魂杳杳以無歸身墮沈淪意懸懸而望祭
興言及此憐其慘悽故勅天下有司依時享祭命
本處城隍以主此祭鎮控壇場監察諸神等類其
中果有生爲良善誤遭刑禍死于無辜者神當達
于所司使之還生中國永享太平之福如有素爲

克頑身免刑憲雖獲善終亦出僥倖神當達于所
司屏之四外善惡之報神必無私欽奉如此今某
等不敢有違謹于某年某月某日於城北設壇置
備牲酒湯飲享祭本縣無祀鬼神等衆然幽明異
境人力難爲必須神力庶得感通今特移文於
神先期分遣諸將召集本縣闔境鬼靈等衆至日悉
赴壇所普享一祭

神當欽承

勅命鎮控壇場監察善惡無私昭報爲此合行牒移請

梁山縣志

卷七

壇祠

十四

照驗欽依施行

祭無祀鬼神文

維年月日具官某等遵承禮部劄付爲祭祀本縣
闔境無祀鬼神等衆事該欽奉

皇帝聖旨普天之下后土之上無不有人無不有鬼神
人鬼之道幽明雖殊其理則一故天下之廣兆民
之衆必立君以主之君總其大又設官分職於府
州縣以各長之各府州縣又于每百戶內設一里
長綱領之上下之職綱紀不紊此治人之法如此

天子祭

天地神祇及天下山川王國各府州縣祭境內山川及
祀典神祇庶民祭其祖先及里社土穀之神上下
之禮各有等第此事神之道如此尙念冥冥之中
無祀鬼神昔爲生民未知何故而沒其間有遭兵
刃而橫傷者有死于水火盜賊者有被人取財而
逼死者有被人強奪妻妾而死者有遭刑禍而負
屈死者有天災流行而瘟疫死者有爲猛獸毒蛇
所害者有饑餓而凍死者有因戰鬪而殞身者有

梁山縣志

卷七

壇桐

十五

因危急而自縊者有因牆屋傾墮而壓死者有死
後無子孫者此等孤魂或終于前代或沒于近世
或兵戈擾攘流移于他鄉或人煙斷絕久缺其祭
祀姓名泯沒於一時祀典無闕而不載此等孤魂
死無所依精魄未散結爲陰靈或倚艸附木或作
爲妖怪悲號于星月之下呻吟于風雨之時凡遇
人間節令心思陽世魂杳杳以無歸身墮沈淪意
懸懸而望祭興言及此憐其慘悽故勅天下有司
依時享祭在京都有泰厲之祭在王國有國厲之

祭在各府各州有郡厲之祭在各縣有邑厲之祭
在一里又各有鄉厲之祭期于神依人而血食人
敬神而知禮仍命本處城隍以至此祭欽奉如此
今某等不敢有違謹設壇于城北以三月清明日
七月十五日十月初一日置備牲醴羹飯專祭本
縣合境無祀鬼神等衆靈其不昧永享此祭凡我
一縣境內人民倘有忤逆不孝不敬六親者有姦
盜詐僞不畏公法者拘曲詐直欺壓善良者有躲
避差徭靠損貧戶者似此頑惡姦雄不良之徒神

梁山縣志

卷七

壇祠

六

必報于城隍發露其事使遭官府輕則笞決杖斷
不得號爲良民重則流徙絞斬不得生還鄉里若
事未發露必遭陰譴使舉家並染瘟疫六畜田蠶
不利如有孝順父母和睦親族畏懼官府遵守禮
法不作非爲善良正直之人神必達於城隍陰加
護佑使其家道安和農事順遂父母妻子保守鄉
里我等合縣官吏如有上欺

朝廷下罔良善貪財作孽蠹政害民者靈必無私一體
昭報如此則鬼神有監察之明官府非諂諛之祭

尙饗

關帝廟 縣東邑令王冕建康熙三十三年邑令李
倡募移建城南桂溪橋前嘉慶十二年邑令符永
培匾額曰玉白竹節四鄉共十八處東路一涼店
舖一葫蘆埧一石家場一白兔亭南路一觀音場
一麻柳場一赤牛城一沙埡場一石柱坪一仁和
場西路一城外半邊街一沙河舖共二處一楊家
嘴一袁埧驛一老營場一虎城場北路一護城寨
按神漢封漢壽亭侯後主景耀三年追謚壯繆侯

梁山縣志

卷七

壇祠

七

宋哲宗紹聖三年賜帝玉泉祠額曰顯烈廟徽宗

崇寧元年追封忠惠

一作直

公又封崇寧真君大觀

二年加封武安王宣和五年勅封義勇武安王高

宗建炎二年加封壯繆義勇王孝宗淳熙十四年

加封英濟王勅曰生立大節與天地以並傳沒爲

神明亘古今而不朽荆門軍當陽縣列神壯繆義

勇武安王名著史冊功存生民一方所依千載如

在凡有禱于水旱雨暘之際若或見于焄蒿悽愴

之間英烈言言可畏而仰廟貌奕奕雖遠益新爰

啟王封仍加美號豈特顯爾神威德之盛亦以慰
此邦父老之情尙祈靈助服我休顯可特封壯繆
義勇武勇英濟王奉勅如右牒行淳熙十五年十
一月二十一日元文宗天歷元年封顯靈義勇武
安英濟王明太祖洪武元年初都金陵城中建十
四廟一曰漢前將軍壽亭侯廟以四孟朔日歲暮
除日應天府官主祭又有仲夏太常之祭祭以少
牢自是香火徧天下窮鄉僻壤皆祀之正德四年
賜廟曰忠武嘉靖十年南京太常寺少卿黃芳始

梁山縣志

卷七

壇祠

六

奏改請漢前將軍漢壽亭侯假節鉞蓋漢壽本封
邑在今犍爲亭侯爵第五等在國侯邑侯關內侯
鄉侯之下今人以侯仕漢以壽亭侯爲封爵非也
本諡壯繆繆與穆同用傷武功之不成今人爲神
諱不書諡亦非也萬歷十八年加封帝號特頒袞
冕肆觀圖首冕服次巾幘又次公幘又賜額顯祐
二十三年賜坊名義烈又勅解州廟名英烈四十
二年十月司禮太監李恩始齋九旒冠玉帶龍袍
金牌勅封三界伏魔大帝神威遠震天尊闕聖帝

真君頌知天下然太常祭祀則仍舊稱史官焦竑
曰稱漢前將軍侯志也天啟元年太常少卿李宗
延有脩明祀典疏一日封號宜重漢壽亭侯太祖
建廟于雞鳴山南成祖建廟于宛平縣東本寺出
香帛等物每歲致祭至成化十三年奉敕重建訖
然宸居之北永作臣民之瞻列聖相承崇奉無斁
臣于本年正月親詣本廟內標三界伏魔大帝神
威遠鎮天尊闕聖帝君冠冕俱係帝服然本寺職
掌初無憑也如訛傳勅封自有三尺倘果係皇祖

梁山縣志

卷七

壇祠

九

加恩不妨命閣臣撰制容本寺先行改正然後通
行天下此封號所當攷核者也按此則帝封非朝
議矣及天啟四年七月禮部覆題得旨祭始稱帝
是時魏闢爲政宜其無改李恩之舊耳

國朝順治九年

勅封忠義神武闕聖大帝每歲五月十三日致祭祝文
曰惟帝純心取義亮節成仁允文允武乃聖乃神
功高當世德被生民兩儀正氣歷代名禋英靈不
著封號聿新敬修歲事顯佑千春尙饗雍正三年

詔令天下郡縣春秋祀關帝以太牢又追封三代公爵
曾祖光昭公

祖裕昌公

父成忠公

敕建三公祠每年春秋祭祀乾隆五年

詔凡祠廟祀關帝不得塑側坐像十二年奉文上下移

文封筒俱避帝諱緊要公文封筒改寫雙飛字樣

二十五年

詔改謚神武爲神勇乾隆三十三年

梁山縣志

卷七

壇祠

增一接十九

詔加謚忠義神勇顯佑

增咸豐三年六月內奉

諭旨

關帝封號於忠義神武靈佑仁勇威顯護國舊封號下

加保民二字

咸豐三年十月內奉

上諭禮部等衙門議奏

關帝升入中祀禮節一摺我朝尊崇

關帝祀典攸隆仰荷

神威疊昭顯佑本年復加崇

封號並升入中祀茲據禮部等衙門詳覈禮節謹擬具
奏著照所議自明年春季為始悉照中祀禮舉行樂
用六成舞用八佾以昭崇奉而答

神庥餘依議欽此同日本部滿左侍郎穆 署滿右侍

郎瑞 面奉

諭旨五月十三日

關帝聖誕毋庸禁止屠宰欽此

關帝廟樂章

梁山縣志

卷七

壇祠

增二

格平之章 迎神

懿鑠兮焜煌

神威靈兮赫八方偉烈昭兮累禩祀事明兮永光達精

誠兮黍稷馨香儼如在兮洋洋

翊平之章 奠帛初獻

英風翊兮

神格思紛葆蓋兮龍旂赫桂醕兮盈卮香始升兮明粢
惟降鑒兮在茲流景祚兮翊昌時

恢平之章 亞

觴再酌兮告虔舞干戚兮合宮懸歆苾芬兮潔蠲
扇巍顯異兮

神功宣

靖平之章 終獻

鬱鬯兮三申羅籩簋兮畢陳儀卒度兮肅明禋

神降福兮宜民宜人

彝平之章 徹饌

物惟備兮咸有明德惟馨兮 闕數字

神其告徹兮禮終罔咎佑我家邦兮孔厚

梁山縣志

卷七

壇祠

增三

康平之章 送神奏其一 望燎奏其二

幢葆葳蕤兮

神聿歸馭鳳軫兮驂虬駢降烟熅兮餘馥馥願回靈盼

兮德洽明威 其一 焄蒿烈兮燎有輝

神光遙燭兮祥雲霏祭受福兮茂典無違庶揚駿烈兮

永奠置畿 其二

關帝廟春秋二祭祝文

惟

神星日英靈乾坤正氣允文允武紹聖學於千秋至大

至剛顯神威於六合仰聲靈之赫濯崇典禮於馨香茲當仲春秋同昭時饗惟祈

昭格克鑒精虔

關帝廟五月十三日告祭祝文

惟

神九宇承麻兩儀合撰崧生嶽降溯誕聖之靈辰日午天中屆恢台之令序聰明正直壹者也千秋徵駉嚮之隆盛德大業至矣哉六幕肅馨香之薦爰循懋典式展明禋苾芬時陳精誠

梁山縣志

卷七

壇祠

增四

鑒格

咸豐五年七月內奉

上諭太常寺奏遵查

關帝先代封爵應否推崇加封請旨一摺前以

關帝神威顯佑特加

封號並升入中祀茲據太常寺查明

關帝先代封爵並應否援照

文廟

崇聖祠例加封請旨定奪自應敬謹加封以示尊崇

關帝

曾祖光昭公著加封為光昭王

祖裕昌公著加封為裕昌王

父成忠公著加封為成忠王所有應辦事宜著該衙門

查例具奏欽此

關帝廟後殿春秋二季祝文

惟

王世澤覃麻令儀裕後靈鍾河嶽篤生神武之英誠湖

淵源宜切尊崇之報班爵超躬桓而上升香肅俎

梁山縣志

卷七

壇祠

增五

豆之陳茲際仲春爰脩祀事尙祈

昭鑒式此苾芬

關帝廟後殿五月十三日告祭祝文

惟

王廸德承家累仁昌後崧生嶽降識毓聖之有基本本

水源宜推恩之及遠封爵特起於五等馨香永薦

於千秋際仲夏之屆時命禮官而將事惟祈

昭格

鑒此精虔

咸豐七年七月奉

上諭

關聖帝君福佑我朝威靈顯著已升入中祀脩極褒崇
茲朕親書萬世人極匾額著造辦處成造一分恭懸
京師地安門外

關帝廟所有各直省府州縣

關帝廟著御書處摹勒頒發一體懸挂其墨筆著俟墓
泐完時由軍機處發交山西巡撫委員賫送飭州
關帝廟收藏以昭誠敬欽此

梁山縣志

卷七

壇祠

增六

咸豐七年十一月初五日梁山縣奉到

文昌廟 一在治西城內明成化中知縣吳珏建嘉
慶十二年邑令符永培匾額曰斯文主宰一在西
路沙河舖一在平井舖一在南路馬家場一在赤
牛城一在北路 按文昌乃天神三代以上天神
地祇無有廟而祭者世乃號爲文昌帝君咸塑像
焉明景泰五年勅賜文昌宮額學校祀之明艾南
英日考之天官書及漢晉二志斗魁戴筐六星曰
文昌宮一曰上將二曰次將三曰貴相四曰司命

五日司中六日司祿然則六星無所不統非獨以文而已也及觀王氏見聞諸書則謂帝君十七世爲士大夫至西晉末生于越嶺張氏始跨白驢而仙掌司文章之籍而棲其神于蜀之梓潼夫斗爲帝車運乎中央而文昌六星居其斗柄自開闢已然初無待于人之神以司之况自周迄晉凡二千年豈生民之初經歷世數必虛其職以至於晉而後專屬之帝君耶抑帝君文武忠孝實鍾文昌之精若所謂嶽降申生者不然則英秀竒麗之氣死

梁山縣志

卷七

壇祠

三

而不朽上比列星若傳說之騎箕尾皆未可知也國朝全祖望曰星宿之名多出於甘石以後而緯書又從而溷之皆不足信是以康成亦自支離分別謂大宗伯之司命則文昌第四星之神也祭法司命是督察三命之小神也其神各別唯是三命之說見于孝經援神契固誣罔而文昌之名亦不古然且無問其是否同異要之大大而下無祭天神者今世文昌之祭謂其爲梓潼人又有十七世輪迴之說在周爲張仲在漢爲張良在六國爲姚萇

又最後而其姓名為張亞子又或曰即張仙也則以文昌之神督察三命之神忽而入于仙佛之說矣李調元曰帝君廟在梓州梓潼縣本梓潼神也舊記云神本張惡子仕晉戰死而廟存唐明皇狩蜀神迎于駟馬橋追命左丞相僖宗播遷亦有助封濟順王咸平中益卒為亂王師討之忽有人踴曰梓潼神遣我來九月二十日城陷果克四年州以狀聞故命追封英顯王俱見事物紀原宋理宗景定五年三月二十九日封神父聖武孝德忠

梁山縣志

卷七

壇祠

三

仁王宋度宗咸淳五年月日加封神父顯慶慈佑

仁裕合德王神母昭德積慶慈淑恭慧妃清河元內傳

累封輔元開化文昌司祿宏仁帝君萬歷總志左司獨

孤氏七月十五日生因斬邛州虜功累封八字王

今掌文昌左班封廣佑嘉應昌澤孚惠王右司李

斌八月十五日生以破苻堅功累朝加封八字王

今掌文昌右班加封英惠忠烈翼濟正佑王清河內傳

梓潼文昌君從者曰天尊地啞蓋不欲人之聰明用盡故假聾啞以寓意夫天地豈可以聾啞哉王

達蠡元仁宗延祐三年七月日加封輔元開化文

海錄

昌司祿宏仁帝君主者施行勅曰上天眷命皇帝
聖旨維明有禮樂惟幽有鬼神妙顯微之一貫在
天爲星辰在地爲河嶽形功用於兩間矧能陰隲
于大猷必有對揚之懋典蜀七曲山文昌梓潼帝
君光分張宿友詠周詩相予泰運則以忠孝而左
右乎斯民柄我坤文則以科名而選造乎多士每
禦救于災患彰感召于勸懲貢舉之令再頒考察
之籍先定賁飾雖加于渙汗徽稱未究于朕心於
戲予欲人才輩出爾丕炳江漢之靈予欲文治昭

梁山縣志

卷七

壇祠

三

宣爾濬發奎壁之府庶臻嘉貺以荅寵光道經云
二月初三是日文昌帝君誕翰墨大全原無名氏
二月初三帝君生辰疏云北極建卯方新三月之
杓西蜀生辰誕應五雲之瑞瑤池啟宴寶闕騰歡
恭惟帝君名震梓潼職嚴桂籍銀鈎鐵畫盡入神
出聖之能玉句金章致泣鬼驚人之妙輔佐元天
之主闡揚周易之靈某仰獻兕觥俯陳燕賀億千
萬綿延之壽劫劫長存九十四變化之身如如不
動按唐孫樵有祭梓潼文李商隱有張亞子廟詩

莫或言其主文按仁和翟灝通俗編云北夢瑣言梓潼縣張蠶子神乃五丁拔蛇之所也或云嶺州張生所養之蛇因而立祠時人謂爲亞子其神甚靈十國春秋僞蜀紀梓潼縣祠蛇神曰張惡子世子元膺被誅之夕司祝者忽夢爲惡子所責言我久淹成都今始方歸何祠宇荒穢若是由是蜀人傳元膺爲廟蛇之精依其說則其神不足輕重可知後人不知乃援詩張仲孝友爲張亞轉世以爲十世爲大夫鄙誕至此愚謂文昌非張亞亦非張

梁山縣志

卷七

壇祠

十四

仲蓋蜀文翁也蜀治文翁遺相如東按七經于是蜀俗比于齊魯宜立祠堂云云調元按圖志神姓張諱亞子其先越雋人因報母仇徙居劍州之七曲山仕晉戰没人爲立廟姚萇伐蜀至梓潼嶺見一神人謂之曰君早還秦秦無主其在君乎萇請其姓名曰張亞子也後果據秦稱帝因立張相公廟嗣代顯聖故由濟順王加封至英顯王至元順宗延祐三年七月乃加封輔元開化文昌司祿宏仁帝君文昌本天上六星在北斗魁前爲天之六

府其六曰司祿道家謂上帝命梓潼神掌文昌府事及人間祿籍故以文昌司祿封之而天下學校亦皆立祠以奉之此時誥冊爵號非謂卽祠文昌星也因元仁宗加封文昌司祿人遂以文昌稱之而京都及天下俱額曰文昌宮其實卽晉之張亞子也十七世張仲轉世自屬後人附會觀歷代封號並無張仲名可知而翟顛不詳考正書神自後秦建張相公廟及歷代封爵但就因文昌文字遂妄臆爲文翁可謂闕空杜撰游談無根矣至引蛇江淮人爲蜚子遂疑爲蛇尤爲妄誕不經不得不爲之辨

嘉慶六年五月內奉

旨

前殿牌面寫

文昌帝君神位

後殿牌面寫

文昌帝君三代尊親神位

梁山縣志

卷七

壇祠

三

增 咸豐六年十一月內奉

上諭禮部衙門奏遵議

文昌帝君升入中祀典禮開單呈覽一摺

文昌帝君升入中祀前期一日著遣親郡王行告祭禮

春秋二季俱著卜吉舉行二月初三日

聖誕卽照

關帝聖誕點香禮節並毋庸禁止屠宰一切禮儀祭品

及樂章祝文著照所議備辦應行酌改工程及預備

各項著工部於明年春秋前趕緊辦齊以昭誠敬欽

梁山縣志

卷七

壇祠

增一接二十五

此

文昌帝君廟樂章

丕平之章

迎神

秉氣兮靈躔胡文運兮赫中天焯旌兮戾止雕俎

兮告虔迓

神麻兮於萬斯年

俶平之章

奠帛初獻

神之來兮籩簋式陳

神之格兮几筵式親極昭彰兮靈貺致蠲潔兮明禋升

香兮伊始居歆兮佑我人民

煥平之章 亞獻

再酌兮瑤觴燦爛兮庭燎之光申虔禱兮

神座儼陟降兮

帝旁粢醴潔兮齋遯將綏景運兮靈長

煜平之章 終獻

禮成三獻兮樂奏三終覃敷元化兮絜

神功馨香達兮肝鬲通歆明德兮昭察寅衷

懿平之章 徹饌

梁山縣志

卷七

壇祠

增二

備物兮惟時告徹兮終禮儀

神悅懌兮鑒在茲垂鴻佑兮累洽重熙

尉平之章 送神奏其一 望燎奏其二

雲翰駕兮風旗招

神之歸兮天路遙瞻翠葆兮企丹霄願回靈眷兮福我

朝 其一

烟熅降兮元氣和

神光燭兮梓橦之阿化成者定兮囊弓戢戈文治光兮

受福則那 其二

文昌帝君廟春秋二祭祝文

維

神道闡苞符性敦孝友並行並育德侔天地以同流乃
聖乃神教炳日星而大顯仰鑒觀之有赫示明德
之惟馨茲當仲春用昭時享惟祈

歆格克鑒精虔

文昌帝君廟二月初三日告終祝文

維

神功參橐籥撰合乾坤溯誕降之靈辰三台紀瑞度中

梁山縣志

卷七 壇祠

增三

和之令節九宇承暉若日月之有光明闡大文於
孝友如天地無不覆載感至治於馨香爰舉上儀
敬陳芳薦精禋罔斃

神鑒式昭

文昌帝君廟後殿二月初三日告祭祝文 維

文昌帝君道備中和神超亭毒稟詒謀而允紹欽毓聖
之有基雲漢昭回際嶽降崧生之會馨香感格興
水源木本之思式肇明禋用光彝典尙祈

神鑒享此清芬

火神廟 縣東知縣魯慶建 會典每歲六月十二

日致祭司火之神按古南方祝融之祀也以禔火
災亦號熒惑宮舊制祀大辰以闕伯配大辰卽大
火星闕伯陶唐氏之火正也趙宋時封宣明王

城隍廟 縣南知縣陶成建嘉慶十二年邑令符永

培書額曰林總是奠一在西路黃土坎 按城隍
字義首見于易城復于隍隍卽池也然城與隍分
見而未嘗合言之梁史馮道根戍阜陵修城隍則
兩字並名矣築城鑿池有國者皆設險以守而廟

梁山縣志

卷七

壇祠

三

祀則莫究其始昔漢高帝以御史周苛守滎陽全
節命天下有司附城立祠祀之城隍之祠或昉于
此耶王崇簡冬夜箋記云記曰天子大蜡八伊耆
氏始爲蜡注伊耆堯也蓋蜡祭八神水庸居七水
則隍也庸則城也此正祭城隍之始春秋傳鄭災
祈于四鄰宋災用馬於四鄰皆其証也庸字不同
古通同耳是則城隍之祭始于堯矣而唐李陽冰
縉雲記謂城隍祀典無之惟吳越有焉宋趙與時
辨其非謂張說有祭荊州城隍文

縉雲記有曰數和
屏物助天育人

又宋張九成祭洪州城隍文曰方隅是保氓庶是依均表崇祀之義李白作韋鄂州

碑有城隍杜牧刺黃州韓愈刺潮州趙信陵刺舒州皆有城隍之祀蓋不獨吳越然也又蕪湖城隍祠建于吳赤烏二年高齊慕容儼梁武陵王祀城隍神皆書于史又不獨唐而已考魏書明帝熙平二年詔州鎮城隍令各嚴固齊會聚集糾執妖喧則北魏時亦薰灼矣至若唐文宗太和中李德裕建成都城隍祠此則蜀祀之始也全蜀藝文志載唐段全緯城隍廟記不著年月或謂既有社不應

梁山縣志

卷七

壇祠

三

復有城隍然社神司土城隍司城惟社神為尊後世祈禳報賽乞獻咸在城隍而社不與新宮入境齋誓朔望叩謁儀在他神祀之上焉李調元曰城隍之祀宋以來遍天下或賜廟額或頒封爵或遷就附會隨指一人以為神之姓名如都城隍為蕭何鎮江慶元寧國太平華亭蕪湖等郡邑皆以為紀信龍且贛充瑞吉建昌臨江南康皆以為灌

嬰是也

按元學士王憚作汴梁路城隍祠記謂世說秦功臣馮尚見夢于漢高帝曰奉天帝命領城隍事更有稱韓擒虎僧道濟等死而為神者亦有仕宦死見靈異即肖像為之者俱恠况不

可究 城隍有京都城隍各處府州縣城隍都城隍

廟在元爲佑聖王靈應廟刑部街按元史天歷二
年加封爲護國保寧王夫人爲護國保寧王妃至
于生辰王匝記言五月十一日爲都城隍聖誕按
元劉應李翰墨大全神祠門慶賀疏語于各神俱
言生辰而于城隍直云五月二十八日慶賀並不
言生辰亦非十一日豈與都城隍異日乎抑二十
八爲俗沿慶賀之期乎其二十八日慶賀疏語云
日餘二日卽更建午之書雲燦五雲喜遇生申之

梁山縣志

卷七

壇祠

三

且歡聲載路和氣滿城恭惟城隍土主

全封號

乃武

乃文作威作福呼吸須臾之雨露叱咤俄頃之雷
霆佐漢有功四百載綿延社稷配天無極億萬年
帶礪山河赫赫厥靈洋洋如在某等素喜蒙恩之
久幸逢震夙之初壽永基圖願借椿靈而爲壽封
褒忠惠更看芝檢之增封釋其詞亦皆祝嘏壽之
意也所云佐漢者亦或沿俗傳蕭相國歟

本朝會典順治八年八月二十七日祭城隍之神是亦
未言及生辰也今民間以五月二十八日爲生辰

殆習俗之相沿也。攷明洪武元年加各城隍以封爵與王之地封爲王其餘府爲鑿察司民威靈公秩正二品州爲鑿察司民靈佑侯秩正三品縣爲鑿察司民顯佑伯秩正四品造木主塑像其章服府封公者九旒九章各州縣封伯者七旒七章命翰林撰制文頒之制詞有神司淑慝爲天降祥亦必受天之命之語三年正祀典詔各處府州縣城隍稱某府某州某縣城隍之神以祭山川之明日致祭禮同社稷十四年制以城隍合祭于山川

梁山縣志

卷七

壇祠

三

之壇蓋以五嶽四鎮四瀆四海一例也祭與山川同壇而祀則崇之貌廟者事以人道也嘉靖九年罷山川從祀以仲秋祭旗纛日祭之

國朝仍以城隍合神祭于山川壇祀畢置神主于廟凡府州縣官蒞任必先齋宿城隍廟謂之宿三朔望行香祈禱水旱必先牒告于廟而後禱于壇

藥王廟 縣南城內

東嶽廟 縣東一里三台山創建歲月不可考嘉慶

九年維州協桂名涵協同梁山縣符永培倡議重

修十年歲事符永培書額曰大哉佛法一在西路
黃土坎一在北路 古者天子祭方岳諸侯祀其
境內名山大川泰山峙青兗數百里王者治成多
登封焉謂其長四岳而澤及四海也但世俗謂山
海氏十二子長金蟬爲東華帝君治方諸次金虹
爲東嶽帝君治岱漢文帝時封泰山元帥而道書
稱東嶽爲太靈蒼光司命又曰五嶽之神各有攸
屬岱泰山乃天帝之孫羣靈之府主世界人民官
職生死貴賤等事其說不經類係傳會按史唐開

梁山縣志

卷七

壇祠

三

元十三年元宗封泰山神爲天齊王秩加三公一
等宋大中祥符元年封禪畢詔加號泰山天齊王
爲仁聖天齊王五年詔加東嶽曰仁聖天齊帝十
月詔加上東嶽淑明后元世祖至元二十八年詔
加天齊大生仁聖帝明洪武七年詔去封號改稱
東嶽泰山之神蠡海集云東嶽生于三月二十八
日者天三生木地八成之舍兩儀
之氣于其中也二十八日者四七也四七乃少陽
位也又云神之生誕皆假數而言也少陽生物
之數起于七四營而爲二
十八三乃東方木之生

總兵衙署夔協事維州協鎮都督府健勇巴圖魯

桂涵重修東嶽廟建碑邑令符永培書丹其記云
梁山形勝區也距城東里許突起三峰俯臨雉堞
故名其山曰三台舊有東嶽廟踞中台之巔當嘉
慶戊午巳未教匪俶擾川東蔓延幾無隙地而梁
山適當東北陸道之衝余時奉簡書統率兵勇剿
捕往來不下十數次皆札營于廟之前後因得入
謁瞻仰見有前明萬歷年石碣題載猶曰古刹知
其所剏建者從來遠矣上下屋僅兩楹左右廊房
數椽俱傾圮腐敗伏念 神明赫濯宰人間生殺

梁山縣志

卷七

壇祠

三

之權若獲掃蕩羣氛太平共享余當倡義重修殿
廡裝塑 聖容以酬 鴻庥於萬一厥後由蜀而
禦敵于秦楚歷崎嶇者三省執銳披堅所向皆克
今幸大功悉蒞仰荷

聖天子寵命晉秩總戎褒加勇號非神力冥冥呵護之
靈曷克臻此前于癸亥秋復經斯地邀城內外紳
耆士庶商所以經始稍割俸以伸前願更得 邑
侯子田符公與余最稱契好慨然引爲已任于是
羣情翕助鳩工集材高下具舉匝一周而功告成

甍棟層接軒堦遙連金碧莊嚴氣象肅穆巋然壯
一邑之觀瞻是役也木石磚瓦粉采工程之需其
計金錢三千緡有奇或捐之於官長或輸之於衆
姓無不踴躍相從而董其事集其成者大半出於
公門善信爲之竭力於初終焉邑之人咸謂不可
不有以紀之也余爲叙其興作之由與勦飲之殷
泐諸貞珉一以昭靈貺之可憑一以聲善緣於勿
替云嘉慶丁卯春

瞿鏊丁卯季春遊東嶽廟詩斯遊非復舊時廬前次

梁山縣志

卷七

壇祠

三

在梁此廟傾圮不堪

古刹重新壯帝居香裊殿前朝玉窟萍

開池畔看金魚氣吞萬石樓臺聳光映三台心目

舒都督桂公成盛舉雕梁題額徧高車

廟中匾額皆一時顯

宦

鄧正誼詩惟帝出乎震巍巍仰泰山肇生周庶類
布德徧通闕南浦明裡備東郊氣象還奐輪新廟
貌殿宇軼塵寰

蕭曹廟 乾隆四十三年署邑令高瑛建于署西五

十四年邑令程瑁改建于新署東徧 按二相同

起豐沛佐漢定天下高祖入關約法三章其謀蕭相主之而曹相繼之法乃一成不可變後代定律令皆祖其意而推廣之耳衙署之歲修祀事也固宜

楊家廟 縣南路

殷家廟 縣南路

白廟 縣南路

黃城廟 縣西老營場

黃溪廟 縣小西路

梁山縣志

卷七

壇祠

三

禹王宮 縣東城外卽湖廣會館一在東路石家場

元天宮 縣南城內卽廣東會館 按真武元武之

神月令孟冬之月其帝顓頊黑精之君其神元冥

水官之臣爲養生家之祖道書往往稱之宋真宗

避諱改爲真武靖康元年詔封佑聖真武靈應真

君加號佑聖助順真武靈應真君元大德中封爲

元聖仁威元天上帝明永樂正德間表武當爲太

嶽元嶽而臣視五山獨尊饗之明史載三月三日

九月九日祭以素羞又云佑聖真君者乃元武七

宿後人以為真君作龜蛇于其下若圖志所云真武為淨樂王太子修煉武當山功成飛昇奉上帝命鎮北方被髮跣足建皂纛元旗此道家附會之說也按會典順治中

勅封北極佑聖真君春秋致祭

天后宮 治南城內即福建會館 按天后姓林氏

莆田湄洲人

或云蔡氏猴嶼人非是

宋都巡檢愿

一作孚

第六

女以建隆元年庚申三月二十三日生彌月不啼名曰默生而神靈少與羣女照井有神捧銅符出

梁山縣志

卷七

壇祠

五

以授妃羣女奔駭自是屢顯靈異常乘片蓆往來海上或驅簷前鐵馬渡江人咸稱為通賢靈女或稱神姑一日方織忽據機瞑坐顏色變異母蹴問之寤而泣曰父無恙兄歿矣頃之信至父與兄渡海舟覆父若有挾之者得不死兄以枕摧救不獲
雍熙四年九月初九日昇化室處二十八歲或云救父
投海身誤時顯靈應或示夢或示神燈海舟獲庇無數世咸祀之
歷代封號宋徽宗宣和五年給事申路允迪使高麗八舟溺其七獨允迪見神朱衣坐桅

上遂安歸聞于朝賜廟額順濟高宗紹興二十六年始封靈惠夫人賜廟額靈應三十年海寇至江口神見風濤中寇潰就獲泉州上其事加封昭應孝宗乾道二年興化疫神降于白湖去湖丈許得甘泉飲者立愈又海寇至霧迷其道至廟前就擒加封崇福淳熙十一年助巡檢姜特立捕温台寇加封善利

汪錄作靈慈昭應崇福善利夫人靈慈乃廟號凡加封皆原靈惠始封之號當

作靈惠以上夫人凡四封

光宗紹熙三年以救疫早功特封靈

惠妃寧宗慶元四年以救潦功加封助順嘉定元

梁山縣志

卷七

壇祠

三

年平大奚寇以霧助擒賊金兵至淮甸戰花靨鎮及紫金山神見像再捷三戰遂解合肥圍加封顯衛十年救旱獲海寇加封英烈嘉熙三年錢唐潮決至艮山祠若有限而退加封嘉應理宗寶祐二年救旱加封協正三年加封慈濟四年以浙江隄成加封善慶五年教授王里請于朝封妃父積慶侯母顯慶夫人女兒以及神佐皆有錫命景定三年反風膠海寇舟就擒加封顯濟

以上封妃十宋共十四封

元世祖至元十八年以海運得神祐封護國明著

天妃又進顯佑成宗大德三年以漕運効靈加封
輔聖庇民仁宗延祐元年加封廣濟文宗天歷二
年加封靈感助順福惠徽烈共二廟額靈慈元晉
妃凡五明太祖洪武五年封昭孝純正孚濟感
加封

應聖妃成祖永樂七年封護國庇民妙靈昭應引

仁普濟天妃自後遣官致祭歲以為常莊烈帝封

天仙聖母青靈普化碧霞元君又加青賢普化慈

應碧霞元君明封聖妃一收封天妃
一收封元君二凡四封

國朝康熙十九年收復臺灣神靈顯應提督萬正色以

梁山縣志

卷七

壇祠

三

聞加封護國庇民妙靈昭應引仁普濟天妃仍永樂
七年號遣

官諭祭二十三年琉球册使汪楫以水道危險荷

神護佑奏請春秋祀典又將軍侯施烺以澎湖得

捷叨神助奏請加封

勅封護國庇民昭靈顯應仁慈天后遣官致祭乾隆二

年福建總督郝玉麟疏稱臺灣守備陳元美等在

洋遇風虔禱天后俱獲安全褒封宜加

詔加封福佑蒼生四字二十二年琉球册使全魁于米

姑山遭風以神著靈異奏聞

詔加封誠感咸孚四字五十三年以派往臺灣官兵渡
洋穩順奉

勅于封號上加顯神贊順四字嘉慶四年以各洋面巡
緝兵船及商船往來均賴神力護佑

勅加慈感軍民四字六年册封琉球使臣李鼎元奏于
天后宮後殿崇祀天后父母

邵盦謁天后廟詩克配彼天也猗歟后德彰家聲
騰刺史世系著閩疆后為林氏女始祖唐林披公生子九各授州刺史曾祖保

吉公為邵州刺史蘊公六世孫州牧圍公子也為
統軍兵馬使棄官歸隱于莆之湄洲嶼子孚承襲
梁山縣志 卷七 壇祠 三

為福建總管孚子惟懋諱愿為五代閩王都巡體
檢卽后父也母王氏生男一女六后其第六乳體
合坤兼巽功參吳與蒼示丸徵大士母夢觀音大士出丸藥示

之云服此當得慈濟之賜遂娠宋太祖建隆元年
庚申三月二十三日方夕見紅光從西北射室中
異香氤氳俄而誕后一云生于
元祐間一云太平興國四年

至彌月不聞啼佛性生來具道流秘授詳十三歲
聲因命名曰默

道士名克通者曰若具佛性應得度人正窺符從
果乃授以克微秘法后受之悉悟諸典要

井上十六歲窺井見神人救父自機旁父與兄渡海遭風后
方織于機上閉曉遊神手持梭足踏機軸狀若有
所挾而惟恐失者母怪之急呼醒而梭墜泣日阿
父無恙兄沒矣已而果然蓋當閉布蓆游溟渤后
曉時足踏者父舟手持者兄舵也

渡江值舟中蓬樂不倫舟子不敢解纜后日無事
此卽草蓆代之令人懸于桅端帆起舟駛觀者驚

為飛 乘雲到帝鄉泊乎昇白日展矣遇重陽
太宗 雍熙

四年九月九日后徑上 屢現朱衣燦時翻碧浪長
常衣朱衣 轉輸資保衛陷溺藉助勦風正還加疾

飛翻海上 瀾安不逞狂偶焉懸以火或則降于櫓因刻奇楠

像 三山胡獻卿靖使琉球一日颶風大作舟內有
官校得一奇楠大滿尺高三尺餘可值千金衆

舉捐出刻后像俄而奇鳥集于櫓 爭焚古鼎香
杪翠羽籠雲宛若翔鸞舟賴以濟

元苻戊寅水漂一銅爐溯流至蒲南白楓亭 宏猷
因脩香花奉爐至錦屏山下構數椽祀焉

難悉述 偉烈信非常 自宋宣和以來如救溺療
渡禦賊諸靈蹟不可殫述 玉

梁山縣志

卷七

壇祠

三

檢金泥積璇宮寶樹芳袞封隆往代敬禮脩吾

皇捷向將軍助 康熙十九年將軍萬正色征勦厦
門得神助取捷二十三年靖海將

軍侯施琅亦以神 威憑册使揚 康熙二十三年册
靈顯助破逆具奏 封琉球正使汪楫

林麟焟等以水道厄險荷 咸孚頌 鳳闕 乾隆
神護佑奏請春秋祀典

二年 頌誠 贊順煥 龍章 乾隆五十年加二
感咸孚額 顯神贊順四字

十徽稱擴春秋祀事將 雍正十一年福建總督郝
王麟奏請春秋祭祀照依

龍神例督撫王祭奉 南邦崇俎豆西蜀奉蒸嘗繫
旨各省遵例依行

我居濱海隨親籍隸梁纂排書幾卷校閱字千行

時刻天 足表神靈異誰云蹟渺茫何年湄嶼過入
后志

廟仰休光

威靈宮 縣南城內卽黃州會館相傳爲張士壬名
七年方七歲棄家至湖藩營謀貨殖以事繫麻城
三年夢受紫微妙法手提紅棍身跨烏駒撲滅本
縣火災宋時勅封威靈顯化

昭武宮 縣南城內卽撫州會館

玉皇宮 縣西城外卽常德府會館

碧霞宮 縣西城內

三聖宮 治東門外中祀川主 按川主有二一爲

梁山縣志

卷七

壇祠

四

秦太守李冰一爲嘉州守趙昱皆治水斬蛟有功
于蜀

名宦祠 在學宮戟門外左一間 按古所謂法施

於民則祀之者也明洪武四年詔天下學校各建
先賢祠左祀賢牧守右祀鄉賢置主入祠皆由督

撫學臣

大清會典古今聖賢忠臣烈士名宦鄉賢載在祀典者
令有司歲時致祭定制設祠于學宮內以春秋仲
丁致祭祭品用制帛一羊一豕一爵三雍正二年

定例除故明以前不議外以後所有應入二祠人員皆由題請經部覆後定

邑名宦祀鄭修杜莘老任元癸何績劉聲遠李政吳珏李冠賀廷弼王冕何蘭程燧顏箎時植陳禧

祝文 部頒

惟

神宜上達下利國愛民德政及於生靈勲名垂於奕

世茲當仲春秋敬修祀典尚饗

鄉賢祠 在學宮戟門外右一間 按古所謂鄉先

梁山縣志

卷七

壇祠

聖

生歿而祭于社者也梁邑祀劉志才陳則徐敬之來知德

祝文 部頒

惟

神剛方成性道義居心懿言善行鄉邑同欽表勵風

俗永作芳型茲屆仲春秋祀事孔明尚饗

忠義孝弟祠 在學宮外左側至行克敦祀以補鄉

賢所未及也雍正九年知縣王裕疆建 謹按

會典凡有孝行節義直省由地方官申報該督撫會

同學臣覈實奏聞由禮部題請旌表給銀建坊雍正元年九月初五日欽奉

諭旨旌表節孝給銀建坊民間往往視爲具文未曾建立恐日久仍至泯沒不能使民間有所觀感著于地方公所設立祠宇將前後忠孝節義之人俱標姓氏于其中已故者則設牌立于其中祭祀用以闡幽光而垂永久着該部議奏欽此經禮部議覆行令直省州縣分別男女每處各建二祠一爲忠義孝節祠建學宮內祠前立石碑將前後忠義孝節之人刊刻姓氏于

梁山縣志

卷七

壇祠

聖

其上已故者設立牌位一爲節孝祠擇地營建祠門外建大坊一座將前後節孝婦女標題姓氏于其上已故者設立牌位每歲春秋二次致祭祭品同名宦鄉賢二祠

梁邑忠義祀趙趣徐宣楊茂寬黃甲呂鳳何景蕭

俛趙采

俱縣學生鄒藍攻城同時植
協心拒敵三晝夜城陷俱死

孝節祀何應

宣張漢卿周鑿李資孝劉廷瑞葉宏禘葉宗藩

祝文

部頒

惟

靈稟賦貞純躬行篤實忠誠奮發貫金石而不渝義
聞宜昭表鄉閭而共式祇事懋彞倫之大性摯莪
蒿克念篤天顯之親情殷棣萼模楷咸推夫懿德
綸恩特闡其幽光祠宇維隆歲時式祀用陳尊簋來格
几筵

節孝祠 在學宮外右側清操丕著祀以表列女之
貞魂也雍正九年知縣王裕疆建祀許彭氏趙氏
汪氏來李氏楊戴氏古譚氏李氏馮涂氏曾賴氏
涂張氏刁游氏曾蔣氏秦謝氏古東野氏吳秦氏

梁山縣志

卷七

壇祠

聖

扈周氏周劉氏劉王氏李曾氏歐陽郭氏李龔氏
魏王氏秦孫氏姚陳氏

祝文 部頌

惟

靈純心皎潔介德柔嘉矢志完貞全閨中之亮節竭
誠致敬彰閭內之芳型茹冰蘖而彌堅清操自勵
奉盤匱而匪懈篤孝傳徽

繇綸特沛乎殊恩祠宇昭垂於令典祇修歲祀式薦尊
醪尙饗

濂溪祠 治北路新塲

武安王祠 治南

蕭公祠 治東知縣王冕建 按新淦大洋洲蕭公

廟神名伯軒籍祥符訪道臨江沒祀為水府之神

元至大間封五湖顯應真人洞庭湖有鐵鋪為怪

爪見輒覆舟公以法力攝治之遇吉州長年康某

托載歸以夢報于家已而風便舟利若有神助至

洋洲泊舟祠下忽滯不能行公家人出述其夢始

知遇者公之神也子祥叔增修父道多神異元至

梁山縣志

卷七

壇祠

四

正間封神化普濟舍人從祀伯軒孫天任尤有異術能前知封英佑侯

衙神祠 古者室西南隅曰奧祭五祀皆主之後世

沿為宅神在衙署則為衙神朔望行禮

獄神祠 監獄之內或曰祀臯陶也

忠節祠 治西川主廟內有忠節流芳匾明副使張

鯤建祀主簿時植生員何應宿

張鯤忠節祠記時子攜一妻一妾一姪來判梁山

簿攝邑印斯時也盜毒流亂四方弗靖正德六年

十二月十有五日禍延梁山時率衆登城守禦越
日夜衆少困賊佯退復渙其志遂乘間火其門而
入執主簿至接仙橋令跪請金贖弗屈鎗截迫之
取佩印弗與又縛用火炙之時罵聲不絕口彼怒
竟炙而焦其身嗚呼慘哉初妻賈氏欲避山林時
曰不可爲民望也賈氏聞變自縊于梁女名三方
九歲亦自斃烈火中盜黨有入室背一歲孤紹紹
者冀圖金贖後行至新寧境賊有見負者云時主
簿已死豈有贖一時天誘其衷乃衣兒以白衫復

梁山縣志

卷七

增補

五

書梁山主簿時植子字以金銀一雙僱老嫗負還
用存後以示悔盜去義民何應舉與醫生秦統昇
屍備衣衾殮置縣宅正寢越數日姪永壽與幼子
俱歸統家收養之次年送柩歸葬其鄉梁山士民
訴當道奏聞贈以本縣知縣贈妻孺人送永壽入
監讀書時以正德六年四月來邑治事愛民用政
泄事用勤常修通濟橋以便民思其德而哀其死
者諸邑請于愚欲立祠樹石以慰梁衆允之知縣
王冕捐俸僦地又督好義者集財命義民張森董

工建前堂後寢大門各四楹愚爲書忠節祠榜之
夫流賊之禍肇于瑾賊弄柄當時捐紳紆金拖紫
受屈于瑾賊者屢屢今時以國學之生當此孤立
之勢彼每誘之我每抗之與妻與女各死其節凜
凜合一非篤信其學道素相符焉得有此孰謂胃
監不足以得人乎何與秦可謂好義冕等亦可謂
知義也夫時子名植字良材河南通許人妻賈僉
憲定之女義方亦遠矣適祠成冕命訓導封緝來
請愚記之爲之祠曰奕奕梁山有邑其麓卓彼時

梁山縣志

卷七 壇祠

吳

子政與德敷天禍蜀川罹我梁人時子捍之不顧
其身彼毒其家天誘其子陳錫九重亦旣渥矣梁
人孔哀思立其宇我爲蕪詞俾民歌之聿垂千古
來瞿唐祠 文廟東萬歷三十五年兩院具疏奉旨
移文本縣修建聘君仁里石坊于通衢三十六年
本縣通學生員具呈學道請入鄉賢奉督學魏
移檄仰縣迎主入鄉賢崇祀三十七年按院彭
移檄來聘君曠世高士崛起真儒日錄抉百代淵
源易註闡四聖奧秘已入鄉賢崇祀外擬照合州

鄒智事例修整特祠傍于學宮春秋禮祀庶近聖
人之側分俎豆之馨異日從祀孔庭此其階乎三
十八年本縣申文學道請給來氏子孫衣巾奉祀
蒙督學張 移文看得來先儒三川高士一代大
儒註易明經有功先聖特祠薦禮已享苾芬于俎
豆春秋妥侑必須子孫之趨踰理合奏請世奉禮
祠外今有嫡孫儒童來象謙文行堪錄准給衣巾
奉祀崇禎十六年奉祀生員來象謙故應嫡裔來
嗣祖承襲本縣具文申請奉督學王 批來嗣祖

梁山縣志

卷七

壇祠

四

准給衣巾照舊奉祀

國朝順治十七年署知縣彭 將承襲奉祀生員來嗣
祖具冊申文學道康熙元年知縣林堯光申文請
給衣頂恢復舊典奉督學席 批先賢奉祀古制
也但未悉來知德註經何據仰縣速詳回報或將
歷傳註集申閱以便給祀用彰有德也本縣復具
詳同年譜一冊轉申奉批來嗣祖准給衣頂奉祀
不必入考冊也康熙元年知縣林堯光重建來公
祠春秋致祭又顏其額曰理學名臣有題匾文四

年知縣田起鳳捐貲修祠尋卒未訖工六十一年
知縣孫天霖捐俸重修乾隆元年署邑令竇容遠
題額曰學闡先天嘉慶十二年邑令符永培重修
林堯光題匾文辛丑秋余初修梁城梁亂二十年
草木迷離虎豹窟穴余修學宮成宮傍瞿唐來先
生祠遂令其孫嗣祖董其事鳩工美輪奐焉如得
讀先生傳客聞之喟然曰吾于是知蜀之有傳人
也先生之榮也成于時也學也徵于養也壽也植
於數也嗣也驗于積也梁之都人士不知之乎世

梁山縣志

卷七

壇祠

吳

之名公卿不知之乎雖欲不傳之不可得矣林子
曰有是哉雖然竊有聞焉非淡以遇榮有必顯而
無必成非聖以尊學有必名而無必徵非仁以造
壽有必長而無必植非孝以貽嗣有必昌而無必
永今考瞿唐來先生初以禮經冠於鄉繼以理學
名動京師徵待詔不起其遇榮以淡全乎天矣及
遨遊五嶽內外篇累數千言以錯綜發明易象之
理註經序卦爲古今儒宗其尊學以聖明乎道矣
迨年已八十天子使有司月加米焉歿也祠于學

宮春秋奉禋祀夫子之言壽也曰仁者樂山今先生壽且百代不朽其造壽以仁綿乎世矣且先生以孝行聞廬墓六年鄉黨莫不難之梁之亂昭茲來許免于難其貽嗣以孝錫乎類矣吁備矣雖欲不傳之其可得乎客聞之瞿然曰吾于是知蜀之有傳人也以傳道也以傳聖也梁之都人士知之將以景行也世之名公卿知之將以揚善也又云勸也雖欲不傳之不可得矣余奉

命將入都因顏其祠額而以對客之言系之乙巳春王

梁山縣志

卷七

壇祠

昊

正月後學莆田林堯光敬題 林堯光聯云千年

河洛闡羲皇今古斯文不墜數仞宮牆依孔孟春

秋禋祀重光 夔守林烜章聯云太史豈膏盲泉

石一十二峰中高山流水知音少元言已注脚圖

書六十四卦裏月窟天根得趣多 李柱宇題云

學孔門之心一貫分明傳泗水江漢濯之秋陽暴

之今古方名爲尙友悟羲皇之象萬年親見自求

溪以通神明以類萬物乾坤何得此真儒 黔中

任某題云無欲靈根悟聖真發揮禮樂詩書筆底

烟雲維世道百源學問傳大易直治義文周孔刻
成風電闡幽光 邑令楊羨撰祭文云年月日某
官敢昭告于來瞿唐先生之神曰先生秀鍾河嶽
學貫天人註易明經羽翼聖道啟蒙發贖接引後
生心傳孔孟統紹義文茲當仲春秋謹以牲帛醴齊
粢盛庶品祗薦歲事尙饗

祝文

惟

神功敦日錄學參易註究天人之奧義發性命之精

梁山縣志

卷七

壇祠

五

微名傳西蜀學冠高粱甘棠遺愛青史流芳茲當

仲春秋用伸祀典尙饗

昭忠祠 在城隍廟左側嘉慶九年邑令符永培捐

修所有春秋祭祀銀六兩嘉慶十年奉 文自行

捐出不准請領 陣亡官兵

龍廷貴 峩邊營把總署梁山汛把總事嘉慶七

年十二月初一日帶兵堵禦胡思鵬一股賊匪在

汛屬北路之白虎溝打仗陣亡

鍾 英 守兵嘉慶二年十二月初八日隨代防

梁山汎外委宋福在汎屬西路賽白兔涼風埡勦
賊打仗陣亡

謝太和 守兵嘉慶七年十二月初一日隨把總
龍廷貴在白虎溝堵禦陣亡

林 貴 軍功千總 今臬憲前以寧遠府攝梁
山縣事施舍林軍功香火田碑記云林軍功貴梁
山人嘉慶丁巳林貴充雲陽縣義勇隨營進勦白
岩山匪逆林亮功等屢著戰績後因官兵失利陷
賊中邑人咸謂已死戊午六月白岩賊衆傾巢西

梁山縣志

卷七

壇祠

五

竄余奉

大帥勒公命邀賊於萬縣屬之荆竹園戰旣合貴望
見余旗遂自賊隊中斬賊頭目以出余壯之爲請
於帥府 奏賞千總銜且將擢用也是歲川賊共
十餘股縱橫川東各屬梁邑尤爲諸路之衝以故
無月無賊至貴自賊中歸深悉賊情每遇警至輒
請行所向亦輒有功余方冀其大有所就時命不
辰已未二月單騎赴賊以死哀哉貴年二十二歲
無父母兄弟及期功之親新娶妻黃氏不能堅志

現議他適貴有田一區共三十七塊歲可得租七十二石蓋貴前斬賊目時以所得賞項部署者貴既無嗣妻又將嫁余哀其抔土終歸零落而焚魂且將就餒也遂塋貴于叢林雙桂堂山側命寺僧司其春秋香火卽以其所置之田施於寺歲遠年淹恐失所據是用爲記並泐石焉嘉慶五年二月趙肇第 武生附生趙萬芹之父嘉慶二年邪匪至肇第與妻劉氏同殉難署令方 詳 憲准彙辦趙興山 肇第之兄嘉慶三年邪匪又至興山死之

梁山縣志

卷七

壇祠

三

其子萬選衛父被戕亦經邑令方 申請 各憲批總局歸入軍需善後事宜案內彙辦

嘉慶十一年正月十四日奏准禮部咨查定例載昭忠祠東西配樓及兩廡附祀陣亡官兵又京師暨各省府州縣衛各設忠義孝弟祠一建立石碑設節孝祠一建立大坊凡忠義孝弟之士及節烈婦女應請 旌表者題名其上身後設祭等語嗣後除各省陣亡官員兵丁照例附祀昭忠祠外至殉難士民等仍入祀忠義孝弟祠照例題名石碑

殉難婦女等仍入祀節孝祠照例合建一坊如此
分別辦理庶男女有別而該士民男婦等殉難捐
軀得以仰邀 旌典卽與入祀昭忠祠無異所
有貴州殉難男婦附祀之處卽照此例辦理由臣
部另行核議具題謹奏奉

旨依議欽此

十王殿 城隍廟左邊

天子殿 治西城內一在東路

玉皇殿 縣北路

梁山縣志

卷七

壇祠

三

祖師殿 縣西門外

三官殿 縣豐勝門外 按三官神昉于漢熹平間

漢中有張魯者造符書于蜀之鳴鶴山合有疾者
自首書姓名及服罪之意作三通其一上之天著
山其一薶之地其一沉之水謂之天地水三官又
海州志云陳文榮唐貞觀進士生三子卽三官神
修道于州之靈臺山萬歷初民建祠祀之又鄭氏
滿云耳官目官心官謂之三官而不必有其神也
奎星閣 文廟東嘉慶十二年邑令符永培建

增 縣署後正陽山 時公祠 公一門徇節事詳
治西川主廟內明副使張鯤忠節祠記其畧復載
名宦門是祠由二堂後石徑紆回而上因山爲之
前數楹憑虛創立若危樓狀 公與孺人賈氏及
三姑遺像在焉凡有所禱無不應四圍古木陰森
飛禽上下誠靈境也同治乙丑邑令艾鉞重新之
筠簾掩映金碧交輝鐘磬清音晨昏入耳並籌置
祭田每歲仲春仲秋戊日敬備牲羞偕寅僚紳耆
致祭以彰忠烈於不朽云

增 接二十二

梁山縣志

卷七

壇祠

附 祠內匾聯

黃中通理

知梁山縣事毛震壽敬書

靈貺屢昭

知梁山縣事滿德塏敬書

山不在高一門節烈傳千古

神其來格百代精靈庇萬家

德被羣生

知梁山縣事田秀栗敬書

忠節孝美擅一門潛德幽光尋故跡已成往事

清慎勤班排舊部春祈秋報偕耆老來薦時馨

知梁山縣事艾 鉞敬書

赫聲濯靈

分發四川候補府經歷何焜敬書

四面青山扶浩氣

數椽碧瓦妥精靈

一時千古

南平張元吉敬書

附時公祭田同治五年秋八月邑令艾斌籌置在治
北回龍寺側與城隍會同買共田大小四十形
租貳拾五石每年分收租穀十二石五斗載糧六
升契存禮房交邑紳何千秋劉松柏等經營按歲
納糧並備辦春秋二季一切祭品

梁山縣志

卷七

壇祠

增二

增名宦祠添祀四位

戴三錫 前任四川總督部堂

陳希曾 前任四川學政

方積 前署梁山縣事陞任四川布政使司布

政使

劉衡 前署梁山縣事陞任河南開歸陳許兵

備河務道

附 道光二十四年梁山紳耆公請申詳 劉公祠祀
名宦政績事實

一劉公係江西建昌府南豐縣人嘉慶五年庚申
恩科鄉試由附生中式本省副榜考充正白旗官學教
習嘉慶十三年秩滿以知縣用十八年簽分廣東
署四會博羅二縣旋補新興縣歷有政聲二十四
年丁艱回籍道光二年起復三年選四川墊江縣
知縣四年署梁山縣五年調巴縣七年題陞縣州
直隸州知州是年十月放成都遺缺知府補保甯
府兼署川北道九年調成都府兼署成縣龍茂道
十年陞河南開歸陳許兵備河務道履任未久得

梁山縣志

卷七

壇祠

增三

疾告歸道光二十一年正月疾終故里梁邑士民
聞訃追思德政公舉請入祀名宦祠卒年六十七
歲子五長良驥廩貢生次良騫監生三良駒辛巳
科本省鄉試舉人任國子監學錄己丑會試中式
進士

欽點翰林院庶吉士前戶部陝西司主事福建司員外
郎現掌江南道監察御史四良駟丁酉科本省鄉
試舉人五良馴丁酉科本省鄉試副榜孫八長麇
附監生次庠縣學附生並無子孫現任九卿

一劉公以墊江令於道光四年閏七月署梁山篆首興文教謂學校爲起化之原集生童考錄觀風訓以先器識而後文藝之道本邑舊有桂香書院傾頽湫隘公捐廉建修廓其基址添置書舍規模崇閎氣象一新每月膏火皆捐廉給獎親臨訓誨命題後卽於案援筆擬程以爲軌範且城內四鄉設立義學貧民不能延師者皆有誦讀之所梁邑向無試院每縣試生童自負几案考試公以爲非體卽度地創造一切章程俱已布置嗣因去任移交

梁山縣志

卷七

壇祠

增四

雖未觀其告成而創議謀始則公之力也

一劉公幹濟精明以愛民之道不先去其病民者則民受其累因於門丁書役之表裏爲奸者治之極嚴歷任不用司閹二堂內置長几文書出納分列左右具有格式其批發之案卷率鈐以不用門丁不要錢小印以故諸蠹束手每放告之期必親自收呈當堂直訊有不待批發而原告自知理屈願求釋訟者其餘批發案卷隨到隨審隨審隨結從無隔卯候批以及賄批私押諸弊凡有關涉風化

者必多方開導令其改悔或架詞健訟語涉支吾者公摘發如神莫逃其鑒凡經斷結之案雖受刑之人不惟心服而且知恩其有冤抑急難壅遏不得伸者懸鉦儀門外許其不時奔鳴隨卽斷治不必具呈故民間稱爲劉大鑼云

一劉公生平儉約禔躬到任後裁革陋規澄汰冗費衣服飲食不改書生面目一切日用無不現錢發買從未累及行戶舖民關防慎密家丁非奉命不敢私出側門又以相驗命案累民尤甚棚廠供億

梁山縣志

卷七

壇祠

增五

之費一案輒數十金至於破家甚則移禍親鄰株連無算每出自備夫馬食楛無一擾及民間其有附近村鄰之案攜訟牒就鞠故凡以情訴者不待徵令立至而於盜竊匪人治之無輕縱蒞梁一載遺物道上無敢拾者其儉以養廉除盜安民如此一劉公勤政愛民溝洫之利尤爲盡力梁邑地濱於山與水道遠隔雖素稱沃壤而風雨不調禾苗立槁公相度地勢倡首捐廉於邑之東北外修築堰塘綿亘數十餘里設有乾旱卽決堰口灌溉之凡

邑之西北兩大壩皆恃以無恐至今服疇者莫不歌誦其德蒞梁時歲值大旱步行出禱甘霖隨降其有地甚瘠薄而無收穫者捐俸賑濟又令各甲殷實之家量其力之所能及者捐穀米若干使其各顧各保民以爲便而饑不害時奉大憲檄籌辦義田事宜公竭力奉行民胥樂從更爲推廣條式上之其保護之盡善非實心愛民曷克臻此

一劉公寬惠仁慈勸課農桑而外更及孤貧梁邑舊有養濟院額僅八名此外鰥寡孤獨顛連無告者

梁山縣志

卷七

壇祠

增六

指不勝屈公首先捐廉並勸諭殷戶分官捐紳捐爲兩項廣額至一百四十餘名建屋市田以垂久遠添設孤老局一所於是養濟院立於東關外孤老院立於北關外每月朔給一月之米並薪水錢若干每年冬給綿衣以禦寒至春和仍收貯局庫年來皆有添補數年一更其經費出於田租交富戶輪年執掌令無交官以便生息前任四川布政司陸公韙之爲下其法於各州縣使蜀中孤貧皆有所賴宜其沒世不能忘也

一劉公學有淵源經術湛深所著治譜庸吏庸言及蜀僚問答讀律心得各書皆當日治粵治蜀之實政居官者咸爲龜鑑焉前後歷三省凡十一任俱卓有循聲紳等僻處邊隅囿於聞見不能盡述其詳茲就其蒞梁時恩德之及於閭閻遺愛之傳於輿論者詮次大凡合請申詳俾得崇祀名宦庶不負當日愛民之實心也

增忠義孝弟祠添祀二位

旌表孝子董文慧

梁山縣志

卷七

壇祠

增七

旌表孝子董文懋

增東壇厲壇 署令田秀栗合建東門外

增倉公祠 建東門外育嬰堂後

增咸豐十一年同治元年周藍朱曹郭張各逆疊竄梁山四路陣亡紳團丁勇徇難男婦署令田秀栗隨時詳請

旌卹同治四年邑令艾鉞 奉文會同教諭王洪範設局採訪遺漏未報者彙冊增詳庶忠魂義魄不至湮沒云

照例附祀 陣亡紳團丁勇建有忠義坊題名如左

文石德嘉 係達縣學遷居梁山 長什秦天榜

職員 廖賦智 王嘉猷 邵乾金 孟先玉

龔正富 鍾朝陞 唐奇發 賀廷幹

黃大珍 高思恭 龍作賓 方占魁

譚培位 陳永洪 謝天浩 謝成蓮

潘文長 鍾朝舉 張九安 廖德貴

周順發 譚仕俊 夏先林 謝維仁

王國定 蔣定邦 蔣正芳 李懷成

梁山縣志

卷七

壇祠

增八

馮雲潤 蔣明才 彭心光 蔣禹興

團總 監生 陳昌五 龍必仲 唐貴益 唐運漢

張以忠 熊柏壽 葉朝志 廖質惠

歐尙林 長百 黃成福 徐其謨 卮曾萬選

蔡二喜 凌興祿 黃家武 趙登貴

許洪滔 唐仕相 羅南善 唐思清

管帶 文童 朱朝龍 徐世三 王忠友 王永定

長百 李榮魁 隊團 方興芳 劉芳堂 鋒先 雷忠紀

王添喜 鄧玉珍 李營順 蘇維禮

長百黃國瑞

先鋒羅忠配

大旗曹先成

廖本興

蔣世端

壘興斗

唐開珍

唐開安

王邦正

李國賢

李正義

劉三元

羅君禮

尹德明

武監孫根源

先行張正元

長百蕭德材

雷必興

蔣祖吉

吳永祥

領張才洪

先鋒何仕友

隊長鄭宗貴

王大珍

向吉萬

魏興芳

鄧科甲

梁永祥

唐賢虞

周昌榮

劉應遷

黃孟懷

長百李永秀

姚良珍

蔣永茂

劉興發

梁山縣志

卷七

壇祠

增九

鄧太吉

鄧洪俊

李天全

李天定

李道厚

歐昌隆

譚己元

李昌德

李四元

何能貴

李道坤

蔣太和

蔣光映

張洪楷

張洪祥

曾茂和

曾榮光

羅漢冬

周啟志

謝喜元

姚宗發

姚六保

曾榮華

張世祥

以下四門團
易永富

陳陞一

林占元

方遇隆

洪光武

莫維炳

吳立品

舒荀爾

薛明富

劉遠信

李興元

護城圍隊
姚良廣

先鋒 夏得魁

黃志大

謝遠發

蕭占斗

王有科

王正朋

葉茂林

楊中庸

熊占彪

高世茂

蕭占魁

呂潤周

况成顯

護城圍隊 周學南

黃奇才

李鳳山

黃朝才

護城圍隊 楊大元

華玉龍

秦雙林

張占春

歐正全

譚卯爾

黃玉堂

唐克禮

楊茂堂

楊吉順

費志大

護城圍隊 楊大明

姚定邦

范占魁

潘仁發

郭萬順

陳文友

文遇隆

以上三名係萬縣人後遷梁邑

梁山縣志

卷七

壇祠

增十

安正興

係萬縣人後遷梁邑

潘喜官

曾和尙

蔣光應

曾雞公

秦天錫

孫大順

本城教習 陳維先

李承友

倪景隆

圍丁教習 蔣永富

匡石頭

洪爾法

盧文浩

劉邦介

管帶 劉祚禮

劉光立

熊明月

劉邦藻

劉成福

唐昌遠

何聶子

文朝漢

柏春波

夏鐵匠

劉昌福

楊長生

楊加祿

甯龍孛

黃開爾

楊甲乃息

唐丁

葉有餘

羅朝銀

羅朝和

毛承先

熊明達

顏昌達

黃永富

藍光昭

方家遂

王明道

陳萬瑄

祝兆有

劉毛爾

姚宗第

何得元

唐學餘

張岐山

王慶科

張順茂

謝文學

劉興品

劉戊喜

李昌秀

徐石元

廖長齡

劉丁酉

孫遇春

周思春

周發開

童呀葩

冉永昭

魏仕達

楊文耀

陳正玉

邱富瑞

邱和尚

冉裕德

劉一煥

劉一明

梁山縣志

卷七

壇祠

增十一

冉瑞祿

羅春元

謝馨恩

王懷善

李四爾

歐戊爾

黃慶人

唐三喜

陳奇福

莫維精

宋清蓮

孫心達

張其極

方興發

銀朝華

周盛宗

李世和

凌百祿

凌恩祿

何德倫

周仕吉

蔡言官

李世芳

梁萬營陣亡制兵

劉志純

義士營陣亡兵勇

百長魏承恩

魏定山

程輔盛

杜懷志

唐友高

梁勝營陣亡兵勇

鄭占彪

丁應爵

李永洪

伍揚善

簡世綿

秦玉吉

石占魁

梁忠營陣亡兵勇

羅得勝

羅瑞庭

邱占魁

李得易

孫肇賢

王志春

張耀廷

羅興發

張鳳鳴

旗朱占魁

鄧耀雲

旗黃占魁

梁山縣志

卷七

壇祠

增十二

張勝榮

長什周福元

旗熊占魁

係湖南省人

羅順發

周錫富

王占魁

聶恩

李榮陞

林心廣

熊永裕

黃詩銀

伍洪順

梁義營陣亡兵勇

章玉春

梁銳營陣亡兵勇

李占廷

入祀忠義
孝弟祠 徇難紳民

鍾方和

唐癸爾

唐有常

唐人凱

蔣朝祿

唐維第

方三爾

謝永定

劉玉順

龍三江

陳乙生

以上三名係忠州人民

譚興發

生于登庸

羅世榮

文正興

馬春爾

呂禮周

馬思友

冉正喧

冉三全

李世友

冉廣順

冉光宗

冉廣元

冉廣齊

冉廣餘

冉廣盛

冉正佐

冉正提

冉正發

冉瑞福

冉三疤子

冉告化

冉麻三

冉牛爾

梁山縣志

卷七

壇祠

增十三

冉瑞華

冉正來

蔣全仕

張朝陽

徐昌耀

呂二瞞

馬學禮

馬學詩

馬思明

馬思貴

馬思發

馬思仁

馬思春

文朝和

吳桂有

劉家興

總劉安靜

劉家寅

劉一鳳

劉家開

劉一愷

劉家芝

劉家和

劉家成

劉一典

劉一敦

劉一訓

劉家丕

劉一禮

劉一耀

劉家揚

劉福喜

劉四爾

劉安鏡

劉安學

劉家貴

劉一才

劉安連

劉六子

劉三爾

劉安朝

劉一貫

劉毛爾

劉安吉

劉一為

劉辰保

劉一沛

劉一蟾

劉狗爾

劉閏年

劉家長

劉辛元

劉開元

劉家寬

劉一欽

劉一聘

劉家俊

劉安常

劉安科

劉一瓊

劉安進

劉丙爾

劉安輝

劉二娃子

劉福保

劉一仁

劉一銳

劉純爾

劉安全

劉四羅漢

劉祖佑

劉一科

梁山縣志

卷七

壇祠

增十四

劉一方

劉一來

劉一禪

劉一品

劉一鍾

劉一連

劉一楨

劉一友

劉一柱

劉一綱

劉一問

劉一喜

劉長保

劉雙喜

劉喜生

自千總至此全難家徇難

陸聯陞

李純茂

王文廣

王章堂

王西木匠

王蠻子

王辛元

王三喜

徐貴

向官保

黎癩子

秦萬沛

徐福生

徐毛子

廖書元

何行舒

蔣狗爾

陳丙爾

陳以太

崔子耀

崔毛子

陳玉柱 官正友 官老二 朱辰保

姚宗候 姚官保 鄧洪祺 熊老大

朱老大 朱老二 蔡石保 易火炮

陶人發 陶人興 高思浩 高長壽

高腊元 邱高發 邱酉元 游彪

游福保 梁國相 趙四發 田長生

冉玉起 譚川爾 譚四爾 周鐵爾

羅長 羅昌達 羅槐爾 冉廣開

譚己爾 譚長生 冉廣見 冉廣漢

梁山縣志 卷七 壇祠 增十五

冉廣達 趙明安 邱高祿 職謝永定

羅培芳 唐奇全 謝廷爵 謝桂祿

賴正朝 羅世禮 鑑冉裕道 李天恩

入祀節孝 殉難民婦同建貞烈坊題名如左

婦寡常田氏 婦烈李唐氏 萬洪氏 詹李氏

李鄒氏 李谷氏 陳李氏 于吳氏

冉劉氏 冉游氏 劉冉氏 冉陳氏

于鄭氏 馮冉氏 秦楊氏 龍劉氏

馬吳氏 姚于氏 吳張氏 冉羅氏

張冉氏 譚張氏 文于氏 秦楊氏

蔣賀氏 孫蘇氏 高譚氏 邱陳氏

龍趙氏 邱謝氏 邱羅氏 梁陳氏

莫向氏 田魏氏 冉蕭氏 譚高氏

譚龍氏 譚蔣氏 周陶氏 周楊氏

冉高氏 冉陳氏 冉曹氏 劉李氏

熊劉氏 廖李氏 王張氏 陳李氏

孫蘇氏 李鄒氏 黃龍氏 王鄧氏

入祀節孝 徇難烈女同建貞烈坊題名如左

梁山縣志 卷七 壇祠 增十六

屈運秀 冉蘭英 冉桂英 冉菊英

龍辛連 龍么妹 龍黑妹 高桂定

高辛定 高同定 高申定 邱辛娣

邱丁秀 邱代秀 游辛娣 田桂香

譚辛連 譚庚秀 譚二妹 譚丙女

周么妹 周丁秀 周己秀 冉代娣

冉橋秀 趙妹女 劉鳳連 王么妹

冉菊秀